

'ola hia ea fou ta cou

moso la ahoi ne noana'o ho eafou 'e cou a'toana, mo mav'ov'o 'o la
hia ea fou ta cou, patola boepono, poa'av'u, zotayo, zonsoo, hoseoyu, mo
maica 'ola atuhca hioa , at'inghi mo mav'ov'o 'ola ti'a'ausna tamō
macicihi.

maito eno boepono, panto tee boepono to mazozomu, la tocohu honci
eno o'te mooyai pa'suthuca, pantola boepono to mayuyuansou, mioc'o
maezo mav'ov'o 'ola hia ti'a'ausnu homo boetono.

hote boepono, la ahoi teoa huyu to mayuyuansou, tac'u mooyai
sikotva, tac'u mooeai sapiei, tac'u ea tote fohngu ho cu'cu'neni to cea, siho
isi cu aepunga cu'cu'neni tenac'u seo'tuneni 'o evomu, hocu ehkui ho
ngov'eni to sikotvasi 'o cockusi, tenac'u poa maikukuyungu to sapieisi 'o
feongosi to evomu. aepunga na ic'o, tec'u efo'a to cea, la ake'a na'a poa
mamimipiohi, tena c'u pap'eta, ho lasi mumi, pantola 'oha mon'i mcoi ho
tuefisa 'o fohngu, ta si cu yaica hafa 'o fohngu ho toekameosu, pantola
na'no emomcovhi, ta c'u petohuyu ekosu ho mcoi, hola maica tena aacnia
yosu'ka ho i'eima, la maezo loyo 'ola o'te tuefisi to fohngu.

hola poa'av'u, ho tec'u suc'uhu tote yoni poa'av'u, tenac'u yunga 'o

av'u, iho cic'u elu no yuansou, tasicu peobanga, honci ake'i botngonu na
av'u, tahe toehungi 'o yuansou, tehecu peela pnaa honci eno moza seu'ca.

hote phomeo, la botngonu 'ola nuthu, tena noteuyunun'a ho
tousvusvutu note hia phomeoa, hola c'u aepungu tousvusvutu, tenac'u
ianan'ou uhto te eoni. siho lac'u ahoi phomeo tena ahoi to pepesi, ho lac'u
hmoi 'o pepesi tenac'u aepoha hmoi 'o mafafaengusi, aepunga hmoi, tec'u
hmoi 'o oi'isi. ho lac'u maica iuniou tac'u toekameosu na yuansou ho
yumio tola eongmu. i'o la o'te yumio tena nus'uha, siho micu
hoepungu tenac'u acuhu biebiemi nonte nus'uha, inala yaa ci fou tena acuha
hafa uhto la ahoza eoni ho toehunga teai. tenac'u aangaeza, ho la aangae la
buemealu ho ahmumaska, tenac'u ianan'ou mayo 'ola nuthu ho sia to
keupu hocu maine'e.

(文章大意 僅供參考) ※字數限 200 字

鄒族狩獵方式

鄒族從很久以前就狩獵，有很多狩獵的方式，像是陷阱獵、犬獵、埋伏、泉獵、槍獵等等。

製作陷阱獵時，要先尋找獸徑，製作適合的陷阱隱藏好後巡視。犬獵時，找到獵物後，狗會追趕圍住獵物，獵人再射擊或刺殺。焚獵時，通常是要一群人進行，各自到分配的位置，焚燒時要先從上方、從中間兩邊，最後從底部燒，獵物會四處逃散，獵場燒完之後，獵人就會開尋找被燒死的獵物，並公平分配獵物。